

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়'র সারসংক্ষেপ গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৩২/২০১৭

ঢাকা, রোববার ১২ ফেব্রুয়ারি ২০১৭, ৩০ মাঘ ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। আনসার ও গ্রাম প্রতিরক্ষা বাহিনীর ৩৭তম প্রতিষ্ঠাবার্ষিকী উপলক্ষে
প্রধানমন্ত্রী শেখ হাসিনা গাজীপুরের সফিপুর যাচ্ছন্ন আজ
- ২। পদ্মা সেতু দুর্নীতি ষড়যন্ত্র মামলা কানাডার আদালতে খারিজ
- ৩। সাগর-রঞ্জনি হত্যা মামলা আলোর মুখ দেখবে শীত্রাই : স্বরাষ্ট্রমন্ত্রী
- ৪। সমবায় হবে উন্নয়নের হাতিয়ার : স্থানীয় সরকার মন্ত্রী
- ৫। উচ্চশিক্ষা কমিশন আইন চূড়ান্ত পর্যায়ে : শিক্ষামন্ত্রী
- ৬। সাংবাদিক দম্পতি সাগর-রঞ্জনি হত্যাকারীদের বিচারের সম্মুখীন করা হবে : তথ্যমন্ত্রী
- ৭। পদ্ম সেতু প্রকল্পে দুর্নীতির অভিযোগকারীদের ক্ষমা চাওয়া উচিত
: তথ্য ও যোগাযোগ প্রযুক্তি বিষয়ক উপদেষ্টা
- ৮। সুষম ও টেকসই উন্নয়নের ধারা অব্যাহত থাকবে : বিদ্যুৎ, জ্বালানি ও খনিজ সম্পদ প্রতিমন্ত্রী
- ৯। কেনো ধর্মই জঙ্গিবাদ সমর্থন করে না : ডাক ও টেলিযোগাযোগ প্রতিমন্ত্রী
- ১০। প্রমাণ হয়েছে, আমি ষড়যন্ত্রের শিকার : সাবেক যোগাযোগ মন্ত্রী সৈয়দ আবুল হোসেন

১। আনসার ও গ্রাম প্রতিরক্ষা বাহিনীর ৩৭তম প্রতিষ্ঠাবার্ষিকী উপলক্ষে
প্রধানমন্ত্রী শেখ হাসিনা গাজীপুরের সফিপুর যাচ্ছন আজ

আজ ১২ ফেব্রুয়ারি রোববার আনসার ও গ্রাম প্রতিরক্ষা বাহিনীর ৩৭তম প্রতিষ্ঠাবার্ষিকী ও জাতীয় সমাবেশ। প্রধানমন্ত্রী শেখ হাসিনা গাজীপুরের কালিয়াকৈর উপজেলার সফিপুর আনসার ভিডিপি একাডেমিতে যাচ্ছন আজ। তিনি বাংলাদেশ আনসার ও গ্রাম প্রতিরক্ষা বাহিনীর ৩৭তম জাতীয় সমাবেশ উপলক্ষে আয়োজিত কুচকাওয়াজে সালাম গ্রহণ করবেন। আনসার ও ভিডিপি বাহিনীতে বিশেষ অবদানের স্বীকৃতিস্বরূপ বীরত্বপূর্ণ ও সেবামূলকসহ বিভিন্ন ক্যাটাগরিতে আনসার ও ভিডিপি সদস্যদের পদক প্রদান করবেন প্রধানমন্ত্রী শেখ হাসিনা। এ উপলক্ষে রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা পথক বাণী দিয়েছেন। সূত্র-সমকাল (পৃ.২,ক.৫), যুগান্তর (পৃ.২,ক.৪), এশিয়ান এজ (পৃ.৩,ক.৬), ইভিপেনডেন্ট (পৃ.৩,ক.১)।

২। পদ্মা সেতু দুর্নীতি ষড়যন্ত্র মামলা কানাডার আদালতে খারিজ

বঙ্গল আলোচিত পদ্মা সেতু দুর্নীতি ষড়যন্ত্র মামলা খারিজ করে দিয়েছে কানাডার একটি আদালত। গত ১০ ফেব্রুয়ারি শুক্ৰবার আদালত বলেছে, তদন্ত করে কানাডার পুলিশ আদালতে যে প্রতিবেদন জমা দিয়েছিল সেটি অনুমাননির্ভর ও গুজবের ভিত্তিতে। একইসঙ্গে তথ্যভিত্তিক কোনো প্রমাণ কানাডার সরকারি পক্ষ উপস্থাপন করতে ব্যর্থ হয়েছে। যিনি নিজেও পদ্মা সেতু প্রকল্পের টেক্নারে বিড করেছেন এবং দুর্নীতির মাধ্যমে কাজটি পেতে চেয়েছেন, এমন একজন মাত্র ব্যক্তির টেলিফোনে আড়ি পেতে পাওয়া তথ্যের ভিত্তিতে কানাডার পুলিশ অভিযোগ দাঢ় করিয়েছিল। এই কাজের জন্য রয়্যাল কানাডিয়ান মাউটেড পুলিশের (আরসিএমপি) তদন্ত কার্যক্রমের সমালোচনা করেছে আদালত। কানাডার গ্রোব এন্ড মেইল পত্রিকার প্রতিবেদনে এ তথ্য জানানো হয়েছে। সূত্র-ইত্তেফাক (পৃ.১,ক.২) যুগান্তর (পৃ.১,ক.৬), সমকাল, সংবাদ, এশিয়ান এজ, অবজারভার, বাংলাদেশ টুডে, ইভিপেনডেন্ট, ফিনানশিয়াল এক্সপ্রেস, নিউজ টডেসহ অধিকাংশ পত্রিকা লিড নিউজ ছেপেছে।

৩। সাগর-রুনি হত্যা মামলা আলোর মুখ দেখবে শীত্রাই : স্বরাষ্ট্রমন্ত্রী

স্বরাষ্ট্রমন্ত্রী মো. আসাদুজ্জামান খান কামাল বলেছেন, সাংবাদিক দম্পতি সাগর-রুনি হত্যা মামলা শীত্রাই আলোর মুখ দেখবে। র্যাব এ মামলার তদন্ত করছে। দু'জনের ডিএনএর নমুনা পাওয়া গেছে। এখন সেগুলো ম্যাচিং করার চেষ্টা চলছে। গতকাল ১১ ফেব্রুয়ারি শনিবার নড়াইলের নড়াগাতি থানার অরগনিয়া রিসোর্ট গলফ ক্লাবে পুলিশের খুলনা রেঞ্জের উর্ধ্বর্তন কর্মকর্তাদের সঙ্গে এক বৈঠকের পর তিনি এসব কথা বলেন। সূত্র-সমকাল (পৃ.১৯,ক.১), জনকর্ত (পৃ.১,ক.৮), এশিয়ান এজ (পৃ.১,ক.৪), বাংলাদেশ টুডে (পৃ.১,ক.৮)।

৪। সমবায় হবে উন্নয়নের হাতিয়ার : স্থানীয় সরকার মন্ত্রী

স্থানীয় সরকার, পল্লী উন্নয়ন ও সমবায় মন্ত্রী খন্দকার মোশাররফ হোসেন বলেছেন, সমবায় আন্দোলনকে বেগবান করার মাধ্যমে দেশের উন্নয়নের কাজে লাগাতে হবে। দেশের উন্নয়নে সমবায়কে হাতিয়ার হিসেবে ব্যবহার করতে হবে। মন্ত্রী গতকাল ১১ ফেব্রুয়ারি শনিবার বাংলাদেশ পল্লী উন্নয়ন বোর্ডের আয়োজনে পল্লী উন্নয়ন একাডেমী (আরডিএ), বগুড়ার মিলনায়তনে আয়োজিত দিনব্যাপী বগুড়া জেলা প্রতিনিধি সমাবেশ-২০১৭ এ প্রধান অতিথির বক্তব্যে এ কথা বলেন। সূত্র-ইত্তেফাক (পৃ.১৯,ক.৬), বাংলাদেশ টুডে (পৃ.৩,ক.১), ইভিপেনডেন্ট (পৃ.১৯,ক.১), নিউজ টুডে (পৃ.৩,ক.১)।

৫। উচ্চশিক্ষা কমিশন আইন চূড়ান্ত পর্যায়ে : শিক্ষামন্ত্রী

শিক্ষামন্ত্রী নুরুল ইসলাম নাহিদ বলেছেন, বিশ্ববিদ্যালয়ের শিক্ষার মান উন্নয়নের লক্ষ্যে কাজ করে যাচ্ছে সরকার। বিশ্ববিদ্যালয় মঞ্চুরি কমিশনকে (ইউজিসি) আরও শক্তিশালী এবং কার্যোপযোগী করার লক্ষ্যে উচ্চশিক্ষা কমিশন আইন চূড়ান্ত পর্যায়ে রয়েছে। উচ্চ শিক্ষার মান আরও বৃদ্ধির জন্য অ্যাক্রিডিটেশন কাউন্সিল আইন প্রণয়নও চূড়ান্ত পর্যায়ে আছে। এ আইনটি অনুমোদনের জন্য আজ ১২ ফেব্রুয়ারি রোববার জাতীয় সংসদে উত্থাপন করা হবে। গতকাল ১১ ফেব্রুয়ারি শনিবার আমেরিকান ইন্টারন্যাশনাল ইউনিভার্সিটি অব বাংলাদেশের (এআইইউবি) ১৭তম সমাবর্তন অনুষ্ঠানে সভাপতির বক্তব্যে শিক্ষামন্ত্রী এসব কথা বলেন। সূত্র-সমকাল (পৃ.২,ক.৪), ইত্তেফাক (পৃ.২,ক.১),

এশিয়ান এজ (পৃ.৩,ক.২), ইভিপেনডেন্ট (পৃ.৩,ক.৬)।

৬। **সাংবাদিক দম্পতি সাগর-রুনি হত্যাকারীদের বিচারের সম্মুখীন করা হবে : তথ্যমন্ত্রী**

তথ্যমন্ত্রী হাসানুল হক ইনু বলেছেন, সাংবাদিক দম্পতি সাগর-রুনি নির্মম হত্যাকাণ্ডের সুরাহা না হওয়া ও প্রকৃত দোষীরা এখনো বিচারের আওতায় না আসার বিষয়ে সাংবাদিকদের এক প্রশ্নের জবাবে মন্ত্রী বলেন, আমি আশাবাদী সাগর-রুনির প্রকৃত হত্যাকারীরা ধরা পড়বে এবং তাদের বিচারের সম্মুখীন

=৩=

করা হবে। গতকাল ১১ ফেব্রুয়ারি শনিবার কুষ্টিয়া সার্কিট হাউসে এক প্রশ্নের জবাবে তিনি এসব কথা বলেন। সূত্র-ইত্তেফাক (পৃ.১৯,ক.১), জনকষ্ঠ (শেষ পৃ.,ক.৮), বাংলাদেশ টুডে (পৃ.৩,ক.৬), অবজারভার (পৃ.১০,ক.৪)।

৭। **পদ্ম সেতু প্রকল্পে দুর্নীতির অভিযোগকারীদের ক্ষমা চাওয়া উচিত**

: তথ্যও যোগাযোগ প্রযুক্তি বিষয়ক উপদেষ্টা

প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা সজীব ওয়াজেদ জয় বলেছেন, পদ্মা সেতু প্রকল্প নিয়ে বিশ্বব্যাংক অভিযোগ তোলার পর বাংলাদেশে যারা দুর্নীতির কথা বলেছিলেন, তাদের এখন দেশ ও সরকারের কাছে ক্ষমা চাওয়া উচিত। গতকাল ১১ ফেব্রুয়ারি শনিবার নিজের ফেসবুক পেজে দেওয়া স্ট্যাটাসে সজীব ওয়াজেদ জয় এসব কথা বলেন। পদ্মা সেতু প্রকল্পে দুর্নীতির ষড়যন্ত্রের অভিযোগ কানাডার আদালতে নাকচ করে দেওয়ার প্রতিক্রিয়া দেওয়া এই স্ট্যাটাসে তিনি আরও বলেন, কানাডার কোর্ট পদ্মা সেতু দুর্নীতি মামলায় প্রকল্পটিতে কোনো দুর্নীতির প্রমাণ পায়নি এবং সব অভিযোগ বাতিল করে দিয়েছে। বিচারক বলেছেন, অন্য কথায় বলতে গেলে, প্রসিকিউশন মামলা সাজিয়েছিল। সূত্র-সমকাল (পৃ.১,ক.১), ইত্তেফাক (শেষ পৃ.,ক.১), এশিয়ান এজ (পৃ.১,ক.৮), অবজারভার (পৃ.১ ক.৬)। জনকষ্ঠ এ বিষয়ে লিড নিউজ ছেপেছে।

৮। **সুষম ও টেকসই উন্নয়নের ধারা অব্যাহত থাকবে : বিদ্যুৎ, জ্বালানি ও খনিজ সম্পদ প্রতিমন্ত্রী**

বিদ্যুৎ, জ্বালানি ও খনিজ সম্পদ প্রতিমন্ত্রী নসরুল হামিদ বলেছেন, সুষম ও টেকসই উন্নয়নের ধারা অব্যাহত রাখা হবে। উন্নয়নের নিয়ামক হল বিদ্যুৎ। প্রধানমন্ত্রী শেখ হাসিনা ঘরে ঘরে বিদ্যুৎ পৌছে দেওয়ার যে উদ্যোগ নিয়েছেন তা নির্ধারিত সময়ের আগেই সম্পন্ন করা হবে। প্রতিমন্ত্রী গত ১০ ফেব্রুয়ারি শুক্রবার কক্ষবাজারের কুতুবদিয়ায় বায়ুবিদ্যুৎ কেন্দ্রের উদ্বোধনকালে প্রধান অতিথির বক্তব্যে এসব কথা বলেন। সূত্র-যুগান্তর (পৃ.২,ক.১)।

৯। **কেনে ধর্মই জঙ্গিবাদ সমর্থন করে না : ডাক ও টেলিযোগাযোগ প্রতিমন্ত্রী**

ডাক ও টেলিযোগাযোগ প্রতিমন্ত্রী তারানা হালিম বলেছেন, পৃথিবীর ইতিহাসে কোনো ধর্মই জঙ্গিবাদকে সমর্থন করে না। ইসলাম ধর্মের যে মূল শিক্ষা আছে আমরা সে পথেই চলছি, মানবতার পথেই চলছি। জঙ্গিবাদের বিরুদ্ধে একসঙ্গে লড়ে যাচ্ছি, একসঙ্গে লড়ব। গত ১১ ফেব্রুয়ারি শনিবার ঘাটাইলের পাকুটিয়া সৎসঙ্গ আশ্রমে শ্রী শ্রী ঠাকুর অনুকূল চন্দ্রের ১২৯তম জন্মবার্ষিকী উপলক্ষে সৎসঙ্গ বাংলাদেশের ২৩০তম ঝুত্তি অনুষ্ঠানের প্রধান অতিথির বক্তব্যে তিনি একথা বলেন। সূত্র-যুগান্তর (পৃ.১৭,ক.৩)।

১০। **প্রমাণ হয়েছে, আমি ষড়যন্ত্রের শিকার : সাবেক যোগাযোগ মন্ত্রী সৈয়দ আবুল হোসেন**

পদ্মা সেতু নির্মাণে বিশ্বব্যাংকের দুর্নীতির ষড়যন্ত্রের অভিযোগ কানাডার আদালতে মিথ্যা প্রমাণিত হয়েছে। এর ফলে এসএনসি লাভালিনের অভিযুক্ত তিনি কর্মকর্তা মামলা থেকে রেহাই পেলেন। রায় প্রকাশের পর গতকাল ১১ ফেব্রুয়ারি শনিবার সাবেক যোগাযোগমন্ত্রী সৈয়দ আবুল হোসেন এক বিবৃতিতে বলেছেন, কানাডার আদালতের এই রায় প্রমাণ করে, পদ্মা সেতু নিয়ে আমাকে জড়িয়ে বিশ্বব্যাংক যে অভিযোগ করেছে, তা সম্পূর্ণ মিথ্যা। বাংলাদেশের তৎকালীন বিশ্বব্যাংকের প্রতিনিধি গোল্ড স্টেইন এবং কতিপয় পত্রিকার অসত্য রিপোর্টের ওপর ভিত্তি করে বিশ্বব্যাংক আমার বিরুদ্ধে যে কান্নানিক অভিযোগ দাঁড় করেছিল তা শুধু মিথ্যা নয়, ষড়যন্ত্রমূলক। আমি বিশ্বব্যাংক ও বাংলাদেশ কতিপয় স্বার্থান্বেষী মহলের ষড়যন্ত্রের শিকার হয়েছি। সূত্র-সমকাল (পৃ.১,ক.১), সংবাদ (পৃ.১,ক.৪), ইভিপেনডেন্ট (পৃ.১,ক.১), অবজারভার (পৃ.১,ক.১)।

সম্পাদকীয়

ক. **ইউনিফাক** : দেশে বর্তমানে বিভিন্ন ধরনের মাদকাসক্রের সংখ্যা প্রায় ৫০ লাখ এবং তার ৮০ শতাংশের বয়স ১৫ থেকে ৩৫ বৎসরের মধ্যে, এমতাবস্থায় অভিভাবকদের সচেতনতার পাশাপাশি মাদকের সহজলভ্যতার বিরুদ্ধে লড়াই অব্যাহত রাখতে হবে এবং এ ব্যাপারে আইন-শৃঙ্খলা বাহিনীকে সত্যিকারের ‘জিরো টলারেন্স’ প্রদর্শন করতে হবে বলে অভিমত ব্যক্ত।

খ. **সংবাদ** : দেশের একমাত্র প্রাকৃতিক মৎস্য প্রজননের আধার হালদা নদীকে রক্ষার জন্য সরকারকে প্রয়োজনীয় উদ্যোগ নেওয়ার সুপারিশ।

গ. **জনকর্ত্ত** : ন্যায়বিচারে যারা বিশ্বাসী নয়, মানুষ মারার মধ্যে যারা জীবনের স্পন্দন পেতে চায়, তাদের ভাস্ক্যবিরোধী অবস্থান রাজনৈতিক হীন উদ্দেশ্যপ্রণোদিত বলে উল্লেখ।

ঘ. **প্রথম আলো, যুগান্তর** : রাজধানীসহ সারা দেশে ছিনতাই, রাহাজানি বিপজ্জনক মাত্রায় বেড়ে যাওয়ার পরিপ্রেক্ষিতে জনগণের জানমাল, ব্যবসা-বাণিজ্যসহ সবকিছুর নিরাপত্তা পুলিশ, প্রশাসন ও সংশ্লিষ্ট সব পক্ষকে তাদের ওপর অর্পিত দায়িত্ব নিরপেক্ষভাবে পালনে এগিয়ে আসতে হবে বলে অভিমত ব্যক্ত।

=8=

ঙ. **যুগান্তর** : রাজধানীর হাতিরবিল প্রকল্প এলাকার ভেতর দিয়ে বেপরোয়া গতিতে এবং উল্টোপথে যানবাহন চলাচলের কারণে প্রায়ই সেখানে দুর্ঘটনা ঘটছে, এছাড়া ছিনতাই হচ্ছে অহরহ এবং সন্ধ্যার পর ওভার পাস ও ফুটওভার ব্রিজগুলোতে বসে মাদকের আসর, এমতাবস্থায় সেখানকার নিরাপত্তা ব্যবস্থা জোরদার করার জন্য পুলিশের উর্ধ্বর্তন কর্তৃপক্ষের আশু দৃষ্টি দেওয়া প্রয়োজন বলে উল্লেখ।

চ. **নিউ এজ, ইনকিলাব** : মানুষ উন্নত চিকিৎসা সেবার জন্য দেশের বাইরে চলে যাচ্ছে, এতে বিশাল অক্ষের বৈদেশিক মুদ্রাও চলে যাচ্ছে দেশের বাইরে। অন্যদিকে দরিদ্র জনগণের পক্ষে দেশের বাইরে গিয়ে উন্নত চিকিৎসাসেবা নেওয়া সম্ভব নয়, এমতাবস্থায় সরকারকে একটি সমর্পিত ও সার্বজনীন চিকিৎসাসেবা প্রদানকে অগ্রাধিকার দিতে হবে বলে অভিমত ব্যক্ত।

ছ. **ডেইলি সান** : সারাদেশের অনেক বিদ্যালয়েই খোলা আকাশের নিচে পাঠ্দান করা হয়, এজন্য বিদ্যালয় ভবন নির্মাণের ক্ষেত্রে দুর্নীতিকে দায়ী করা হয়, এমতাবস্থায় এই দুর্নীতির সাথে যারা জড়িত তাদের বিরুদ্ধে কঠোর ব্যবস্থা গ্রহণ করার সুপারিশ।

জ. **ডেইলি স্টার** : ঢাকা-খুলনা মহাসড়কে ফরিদপুরের নগরকান্দায় সিএনজি চালিত কাভার ভ্যান ও বাসের সংঘর্ষে ১৩ জন নিহত হওয়ার ঘটনা উল্লেখ করে সিএনজি চালিত যানবাহনের ক্ষেত্রে অধিকতর সতর্কতা অবলম্বনের সুপারিশ করে সম্পাদকীয় প্রকাশ করেছে।

উপ-সম্পাদকীয়

সংবাদ পত্রিকায় প্রকাশিত কলামে বেকার সমস্যার সমাধানে শিক্ষা ব্যবস্থাকে যুগোপযোগী ও মানসম্পন্ন করতে হবে এবং বেসরকারি খাতে কর্মসংস্থান তৈরির ক্ষেত্রে সরকারের পক্ষ থেকে উৎসাহ ও সহযোগিতার কোনো বিকল্প নেই বলে উল্লেখ করা হয়েছে।

নিবন্ধ ও ফিচার

সংবাদ পত্রিকায় প্রকাশিত ‘প্রসঙ্গ ক্যাসার : প্রতিরোধ’ শিরোনামের নিবন্ধে শুভাশিস ব্যানার্জি শুভ ক্রমবর্ধমান ক্যাসারের প্রকৌপ কমাতে আমাদের ব্যক্তিগত ও সমর্পিত দু'ভাবেই ভূমিকা রাখতে হবে বলে অভিমত প্রকাশ করেছেন।

#

ডালিয়া/শুকলা/রশীদ/তানিয়া/২০১৬/৯.০০ ঘন্টা

